

Pyetje që t'i bësh për të kërkuar vullnetin e Perëndisë

Shumë njerëz kanë pyetje për gjëra si punë, karrierë, martesë, filme, para, blerje, qëndrime, sjellje, jetë familjare, miqësi, zakone, dëfrime, shkollë, veshje, muzikë, etj.. Si mund ta dish vullnetin e Perëndisë për një gjë të cilit asnjë varg specifik nuk i referohet?

Poshtë janë disa pyetje që bazohen mbi Fjalën e Perëndisë që do të na ndihmojnë për të caktuar saktësisht çfarë është vullneti i Perëndisë.

“Kur jam gati të vendos diçka duke menduar që ky është vullneti i Perëndisë,...

1) A i jam lutur Perëndisë për mendimin e Tij duke thënë «mos u bëftë vullneti im, por yti»?
Luk 22:42, Mat. 7:7

2) A e kam hetuar Fjalën e Perëndisë për të gjetur një varg specifik? Ps. 119:105

3) A e kundërshton vendimin t im një varg nga Fjala e Perëndisë. [Nëse “po,” mos vazhdo në atë drejtim në jetën tënde!] P.sh., Mat 6:19-20; Jak 4:17; 1 Gjo 2:4-5

4) Cila do të jetë këshilla e pleqve për mua? [fatkeqësisht, shumë besimtarë nuk kërkojnë fare asnjë këshillë nga pleqtë]. Fja 12:15; Heb 13:7; 17

5) A e kërkoj unë para së gjithash mbretërinë e Perëndisë duke bërë këtë vendim? Mat. 6:33

6) A do ta bënte Krishti këtë vendim? 1 Gjo 2:6

7) A mund ta bëj këtë vendim në emrin e Jezu Krishtit (d.m.th. me miratimin e Tij), me falënderim, dhe për lavdinë e Tij? Kol 3:17; 1 Kor 10:31; 1 Thes 5:18.

8) A mund të jetë vendimi im një pengesë për vetveten ose për besimtarët? Rom 14:17; 1 Kor 8:9, 1 Kor 12:21, 25; Fil 2:3-4; 21, 1 Kor 6:12; 10:23

9) A do të jem i kënaqur duke bërë këtë vendim kur do të vijë Krishti? 1 Gjo 2:28

10) A tregon kujdes për mishin apo për frymën vendimi im? A mund të them unë që jeta ime i përket Krishtit dhe jo vetvetes duke bërë këtë vendim? Rom 13:14; 1 Kor 6:19-20